



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 27 DE SU 15/02/2023

OGETU: APROVATZIONI SCHEMA DE CUNVENTZIONI DE TIROCÌNIU DE FORMATZIONI E ORIENTAMENTU INTRE S' UNIVERSIDADI DE IS STÙDIUS DE CASTEDDU E SU COMUNU DE CABUDERRA.

S' annu 2023, su 15 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi sighint:

Nòmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
Eja
Eja

Presentis: 7

Ausentis: 0

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Arremonadas:

- sa Lei n. 341/90 chi previdit ca is Universidadi, po cumpriri is cursus de stùdiu, aici puru is atividadi culturalis e formativas, podint collaborai paris cun sugetus pùblicos e privaus, finas cun sa possibilidadi de firmai conventzionis;
- s'art. 15 de sa Lei n. 241/1990, chi previdit sa possibilidadi, po is aministratzionis pùblicas, de cumpriri acòrdius po collaboratzionis in atividadi de interessu comunu;
- sa Dir. Min. 1 de austu 2005, n. 2/2005, "Tirocìnius formativus e de orientamentu" de su Dipartimentu de sa Funtzioni Pùblica, chi favoressit is aministratzionis a s' imperu de studiantis iscritus a s' universidadi in tirocìnius, cun unu ruolu ativu de is aministratzionis, chi podint sceberai matèrias, is stùdius e is relatas, is anàlisis chi serbint po s' organizatzioni e is processus in generali, promovendi s' esperièntzia de su tirocinanti, permitendi-ddi de intrai in s' organizatzioni e de fai parti de is processus de traballu, finas po svilupai percursus chi sigant is bisòngius nous de is aministratzionis pùblicas;

Cunsiderau:

- chi cunforma a s' art. 18, c. 1, lit. a) de sa lei 24 de làmpadas 1997 n. 196 e modìficas e integratzionis imbenientis, si podint promovi tirocìnius de formatzioni e de orientamentu in impresas o aministratzionis pùblicas a favori de is chi apant giai cumpriu s' òbligu scolàsticu, segundu sa lei 31 de idas 1962, n. 1859;
- chi su Comunu de Cabuderra donat sa disponibilidadi a s'imperu de tirocinantis cualificaus acanta de su personali de is servìtzius;

Postu chi intre su Comunu de Cabuderra e s' Universidadi de is Stùdius de Casteddu ddoi at una conventzioni chi disciplinat s'imperu de tirocinantis, chi a oi est scadida;

Torrada sceda de aprovai su schema de Conventzioni intre s' Universidadi de is Stùdius de Casteddu e su Comunu de Cabuderra po tirocìnius de formatzioni e orientamentu, in acàpiu a custu documentu etotu;

Ca no si previdint gastus diretus po su Comunu de Cabuderra;

Arriciu parri a favori po su chi pertocat sa regularidadi tècnica, cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori Personali;

Cun votatzioni a favori;

DELÌBERAT

De aprovai su schema de Conventzioni intre s' Universidadi de is Stùdius de Casteddu e su Comunu de Cabuderra po cumpriri tirocìnius de formatzioni e orientamentu, in acàpiu a custa deliberatzioni etotu;

De donai s' incàrrigu a sa Responsàbili de su Setori Personali;

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

